



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 4. Quæ dispositiones requiruntur ad baptismum validè suscipiendum?

urn:nbn:de:hbz:466:1-40834

30 TRACTATUS II.

an sint duo, utpote quia duo capita non habet, nec pectora bene distincta; unus intentione certa neque vaga simpliciter baptizetur; alter vero seu alii sub conditione: Si non es baptizatus &c. Si vero quia duo capita, pectora duo aut corpora etiam distincta in monstru apparent, homines duos esse perspicuum est, singuli simpliciter baptizentur. Quod si mortis periculum in mora erit, numero pluri baptizentur: Ego vos baptizo in nomine Patris &c. Sin autem utpote unum tantum caput habens, tanquam unus baptizetur, etiamsi alia membra plura geminatae habeant; at vero monstrum quod hominis speciem non pra se fert, non baptizetur, nisi primus Archiepiscopus consulatur: de cuius etiam consilio agetur, quod supra de monstru humano dictum est, si tempus dabitur.

Quest. 4. Quænam requirantur dispositio-
nes ad Baptismum validè suscipiendum?

Can. Mater. Constat in primis, quod à pueris nondum habentibus usum rationis Ecclesia nullam exigit dispositionem: ut enim ait Divus

De Consecr.
dist. 4.

Augustinus relatus in Canone, Mater Ecclesia os maternum parvulis prestat, ut sacris mysteriis imbuantur: quia nondum possunt corde proprio credere ad justitiam, nec ore proprio confiteri ad salutem. Nec ideo tamen eos quisquam fidelium fideles appellare cunctatur, quod à credendo utique nomen est: quamvis hoc non ipsi, sed alii pro iis inter Sacra-
menta responderint. Si auiem propterea recte fideles vocantur, quoniam fidem per verba gestantium quodammodo profitentur; cur etiam non prius pœnitentes habeantur, cum per eorumdem verba gestantium, diabolo & huic saculo renuntiare monstrantur.

Sola autem in adultis dispositio ad validè

De Sacram. Baptismi. Cap. V. 81

suscipiendum Baptismum, est eorum consensus, ut dicit Innocentius III. in cap. *Majores*.
De Baptismo. *Is* qui terroribus atque suppli-
ciis, inquit summus Pontifex, violenter at-
trahitur, & ne detrimentum incurrat, Bap-
tismi suscipit Sacramentum; talis charac-
terem suscipit Christianitatis impressum, & ipse
tanquam conditionaliter volens, licet abso-
lute non velit, cogendus est ad observantiam
fidei Christianae, in quo casu debet intelligi
Decretum Concilii Toletani. Ille verò qui
nunquam consentit, sed penitus contradicit,
nec rem nec characterem suscipit Sacramentis
quia plus est expressè contradicere, quam
minimè consentire; sic nec ille notam alicujus
reatus incurrit, qui contradicens penitus &
reclamans, thurificare idolis cogitur vio-
lenter.

Quæst. 5. Fides suscipientium, aut parentum
pueri baptizandi, est ne necessaria ad validi-
tatem Sacramenti Baptismi?

Resp. Non est necessaria, quia, ut ait Di-
vus Augustinus relatus in Canone, Offeruntur
quippe parvuli ad percipiendam spiritualem
gratiam, non tam ab eis, quorum gestantur
manibus (quamvis & ab ipsis, si & ipsi boni
fideles sunt) quam ab universa societate sanc-
torum atque Fidelium; ab omnibus namque of-
ferri recte intelliguntur, quibus placet quod
offeruntur, & quorum sancta atque individua
charitate ad communicationem sancti Spiritus
adjuvantur.

Quæst. 6. Quænam requiruntur dispositio-
nes in adultis ad legitimè suscipiendum Baptis-
mum, nempè gratiam cum charactere?

Resp. Tres requiruntur. Prima est consen-
sus de quo modò locuti sumus, qui non de-
bet esse necessariò actualis & expressus, sed

Can. Quærit.
De Confess.
dist. 4.

D v